



Publicaziuns dalla vischnaunca, jamna 49

Damondas da baghegiar

2015-1044.000

Datum dalla publicaziun: Ils 4 da december 2015

Il patrun: Flavio e Rosangela Giger-Klaiss, Via Vallars 10, 7186 Segnas
Il representant: aluis huonder architect fh sia sa, Via da Scola 18, 7180 Disentis/Mustér
Object: Casa d'ina habitaziun, engrondaziun el plaun sutterrán (biro e suttetg), casa sin parcella 172, Via Vallars 10, 7186 Segnas.

2015-1046.000

Datum dalla publicaziun: Ils 4 da december 2015

Il patrun: Jürg Riesen, Via Plauns 17, 7180 Disentis/Mustér
Il representant: Jürg Riesen, Via Plauns 17, 7180 Disentis/Mustér
Object: Casa da pliras habitaziuns, midada da project el plaun sutterrán construcziun d'ina habitaziun, parcella 421, Via Plauns 17, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 2 da december 2015

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 11 da december 2015**, allas 19.00 en l'anteriura casa da scola a Segnas.

Tractandas:

1. Center da sport e cultura: Informaziun entras il niev meinafatschenta Herbert Schmelzer
2. Avertura dil quartier per indigens Caschuarz II: Credit (messadi nr. 36-2013/2016)
3. Agenda 2016
4. Ura da damondas (conform ad art. 44 dil regulativ da fatschentas)
5. Elecziuns:
 - 5.1 dil president ni dalla presidenta dil cussegl da vischnaunca per 2016
 - 5.2 dil vicepresidente ni dalla vicepresidente dil cussegl da vischnaunca per 2016

Il president dil cussegl da vischnaunca

Resultat dalla votaziun communal diils 29 da november 2015

Diember diils votants 1536
Participaziun alla votaziun 56.2%

Revisiun parziala dalla planisaziun locala

Dau giu cedels 863
Cedels vits 2
Cedels nunvaleivels 0
Total cedels vits e nunvaleivels 2
Cedels valeivels 861

Gie 729 85%
Na 132 15%



*Biro electoral
Il president: Roger Tuor
Igl actuar: Ursin Flepp*

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal dils 29 da november 2015 enteifer 3 dis dapi ch'il motiv da recuors ei vegnius constataus, sil pli tard denton il tierz di suenten la publicaziun officiala dils resultats. Il recuors ei d'inoltrar alla suprastanza communal.

Disentis/Mustér, ils 29 da november 2015

Votaziun communal dils 29 da november 2015

Cordial engraziament

En num dallas autoritads communalas admettein nus a vischinas e vischins in grond e resentiu engraziament per la clara approvaziun dalla revisiun parziala dalla planisaziun locala. Quei ei era in mussament da confidanza enviers las instanzas communalas. La dumengia vargada ein biebein 860 persunas serendidas all'urna, quei che corrispunda ad in'aula participaziun da 56%. Cun in resultat extraordinari dad 85% ei la revisiun parziala dalla planisaziun locala vegnida approvada. Quei resultat ei in mussament per ina vesta visiunara. Cheutras havein nus mess ils binaris economics per nossa vischnaunca.

Suprastanza communal
Francestg Cajacob, president

Dascha pégn per il temps d'advent

A Cuoz sil plaz da lenna sper il stradun metta il menaschi tecnic a disposiziun dascha pégn. Tgi che fa diever da quei survetsch sa retrer quella naven dad immediat.

In bi temps d'advent giavischa
Menaschi tecnic Disentis/Mustér

Clom da quens

Il quen communal vegn serraus giu cun ils 31 da december 2015. Per saver risguardar las expensas occurridas uonn el quen 2015 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils **18 december 2015**.

Nus supplichein tuttas firmas sco era tut ils uficials dalla vischnaunca d'observar quei termin.

Administraziun communal Disentis/Mustér

Pigniel da Nadal 2015

Il menaschi tecnic dalla vischnaunca da Mustér organisescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 18 da december 2015 naven dallas 16.00–17.30 avon il luvratori dil menaschi tecnic a Cuoz. Sin giavisch e per in prezi surpli da tschun francs vegn il pigniel era furnius avon casa.

Il pigniel sa vegnir empustaus cul talun aschuntau **entochen ils 9 da december 2015**:

Adressa: Uffeci forestal
Caum postal 57, 7180 Disentis/Mustér
telefon: 081 920 36 36
e-mail: uaul@disentis.ch



Bien engraziament

Talun d'empustaziun

Num: Prenom:

Adressa: Telefon:

Pégn (Rottanne)	1.10 – 1.50 m Fr. 26.– tocs
	1.60 – 2.00 m Fr. 29.– tocs
	2.10 – 2.50 m Fr. 33.– tocs
Viez (Weisstanne)	1.20 – 1.70 m Fr. 38.– tocs
	1.80 – 2.50 m Fr. 43.– tocs
Pégn da Nordmann	1.10 – 1.50 m Fr. 41.– tocs
	1.60 – 2.00 m Fr. 56.– tocs
	2.10 – 2.50 m Fr. 78.– tocs

Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il selvicultur communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed in resgiut **sonda, ils 19 da december 2015** allas 9.00 sil parcadi Claustra (Davos Mustér).

Uffeci forestal Disentis/Mustér

Controlla da habitonts

Mortori

Toni Mathiuet-Panier, naschius ils 24 da fenadur 1939, morts ils 25 da november 2015.

Clom d'urgenza 118

Preziadas vischinas, prezias vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adrebbein nus a Vos cun ina ferventa supplica: clamei ils pumpiers mo sur il clom d'urgenza 118. Era sche Vos veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vos sin nossa pagina d'internet: www.pumpiers-sursassiala.ch.

Engraziell per Vies sustegn! *Vos pumpiers Sursassiala*

Uniun samaritana Mustér

Per la davosa sentupada dad uonn serimnein nus **gliendisdis, ils 7 da december** allas 19.30 el Buffet dalla staziun. Ei vegn offeriu a tuts participonts ina buna tscheina e nus lein guder in pèr bialas uras en buna cumpignia.

Selegrond sin vossa participaziun salida *la presidenta*

SIBLA 2016

«Il Giongiachen ei ius a catscha senza muniziun ...»

Quei s'auda ella Sibla!



Has ti era viu ni udiu da filistuccas semagliontas ni tut autras? Annuzia ei al Siblus e la Sibla vegn super!
siblus@tscheiver.ch ni www.tscheiver.ch

Cinema Salaplauna – Stallkino

Winterhirten / Hiver nomade (CH 2012)

Mesjamna, 9-12-2015, allas 20.00 a Salaplauna Disentis/Mustér

Allas 20.00 entschatta dil film. Entrada libra, collecta per cuvierer ils cuosts. Cordial beinvegni!

Center sursilvan d'agricultura, www.agricultura.ch

Uniu Cascharia e Fuorn Segnas

Invitaziun alla radunonza generala da gliendisdis, ils 14 da december 2015, allas 20.15 en la casa da scola Segnas

Tractandas

1. beinvegni
2. elecziun dad in dumbravuschs
3. prelecziun ed approbaziun dil protocol
4. orientaziun president
5. rendaquen e rapport dils revisurs
6. program da lavur
7. fixar tshiens per diever zona
8. deliberaziun da damondas e propostas
9. varia

Cordialmein envida

la suprastonza dil vischinadi Segnas / Mompé Tujetsch

Biblioteca populara Disentis/Mustér e contuorn

Pignel da Nadal ord cudischs

Sligiaziun dalla concorrenza: Il pignel da Nadal consista ord 688 cudischs, ei 2,05 meters aults ed ha in diameter da 1,55 meters. La fortunada victura senumna Helena Lozza-Camathias, Mustér. Ella gudogna il canaster da sorpresa «Ursin».

Nus essan selegrai fetg dils numerus visitaders. Bugen recumandein nus en quei liug aunc inaga nossa gronda purschida da cudischs da Nadal. Ed encuris vus aunc in schenghetg da Nadal per vos cars? In abbonament dalla biblioteca fa igl entir onn plascher e cuort'uriala. In legreivel e benediu temps d'advent giavischa

la Biblioteca populara Disentis/Mustér e contuorn
